

欽定剿平三省邪匪方略

正編

一四三

卷之十

七

三

欽定剿平三省邪匪方略正編卷三百四十七

壬戌

十月二十四日

壬戌

額勒登保奏言竊

臣

因各股

剿潰零匪每於邊界游奕兵至則藏匿無蹤兵

去又復湊合成股必須卽爲趕剿是以擬將陝

楚邊界先予肅清方可酌量移師他往連日疊

飭各路官兵在竹谿境內分投搜剿據把總顧

應全敬朝貴稟報分派鄉勇跟剿熊翠零匪於

初三日在得勝寨山梁見有賊匪五人俱係赤
身經各勇上前戳斃二人滾巖跌死二人因熊
翠尙無下落仍分路搜尋初五日行至代坡探
悉又有零匪四五十人與之合夥藏聚小魚溪
老林該弁等卽於四更趕往圍剿該匪驚覺遍
山亂竄當經斃賊七人投出賊匪王啟受余文
運二人并救出新裏附近百姓五人當交寨首

領回餘匪卽向散水河奔竄經總兵德昌所派
叅將承祿都司麻光裕帶領前敵兵勇由石板
河鯽魚河腦趕剿前來立斃賊五人生擒活賊
四人餘匪亡命四竄查訊此係熊翠分股餘匪
謝姓帶領已向三壩高佐河逃竄麻光裕顧
應全等仍跟蹤搜剿而進扎克塔爾等追剿奔
竄王家河之賊八九十人連日據報該匪晝夜

狂奔初七日逃至百人溝扎克塔爾是日帶領
遊擊劉健標趕至杏兒坪天色已晚適有格布
舍副將張瑗由王家扒一路探剿前來會合該
匪狂奔愈速半夜竄至湖溪該處有總兵喜明
所派遊擊楊雲霄防守聽聞寨民號礮知有賊
匪卽派千總楊宗道外委韓復始帶領兵勇數
十名出卡向號礮處所親探甫行數里該匪等

由林內突然衝至夜色昏黑兵勇與賊攪殺一

處殺賊數名千總楊宗道外委韓復始猝受矛

傷陣亡兵勇亦傷亡十數名該匪奪路竄去次

日張瑗劉健標帶兵趕至謝家灣追及賊尾殺

賊八名該匪飛竄黃墩老林遁入太平境內都

司張起鰲守備馬忠良分帶兵勇連日由下三

壩周家壩所追賊匪五六十人初五日在龍洞

集三卷
河趕及賊尾殺賊五名生擒活賊二名該匪卽
奔入五里了老林次日由高佐河趕截扎克塔

爾格布舍帶領馬步兵勇亦由劉家坪豐溪一

帶緊顧西面策應而進初八日張起鰲等行抵

黑溝探悉賊匪在大河搥鼓臺老林民房屯聚

相距五十餘里當卽於二更時發兵分爲三路

圍剿黎明時齊抵賊屯處所吶喊圍殺該匪等

拚命抗拒兇狠倍常兵勇爭先衝入當斃賊匪
十餘名餘匪始行慌亂翻山分竄兵勇分投追
殺生擒二十一名滾巖跌斃十數人此股全行
剿淨旋探報石滾坪陰坡一帶有賊匪二百餘
人竄來張起鰲馬忠良卽帶兵勇馳往探剿扎
克塔爾格布舍催督官兵亦由鍋邊河前進初
十日張啟鰲等行抵奇玉河探有賊匪數十人

在水石巖掠食當卽就近往剿兵抵該處賊已
啟竄各兵勇奮力趕殺生擒八名斃賊十七名
餘匪亡命竄入老林而逸查訊獲賊此股係黃
藍各號零匪奏合在圓頂老林奔竄等語

臣嚴

飭緊躡剿辦務期殲淨

臣

現已行次唐家坪設

該匪被剿窮蹙向西北兩面奔竄均可顧及並
據賽沖阿報稱防守漳河坪都司祝鳳鳴稟報

探有川界零匪一百餘人由老鴉口竄至黃栢
蓬老林屯聚當帶兵趕往截剿初一日五更前
隊兵勇行抵該處見溝內屯有賊匪當卽撲下
衝殺立斃賊四名生擒賊匪二人該匪仍翻山
向川界竄去又據都司柯藩稟報守備王英挑
派鄉勇在元河搜緝殺賊八名生擒四名錄供
稟報前來查核均係各股剿潰零星散逃之賊

當卽飭令正法是刻下零匪總在邊界紛竄必
須逐處嚴搜淨盡

臣

已飛飭各卡隨時差探防

剿不得稍有疎虞前接德楞泰來信知戴四崔

胡股匪經數路官兵分投截剿連獲大勝擒殺

賊匪數百名該逆等只剩二三百人逃去現仍

跟蹤緊躡日來又已旬餘當已擒渠掃逆又探

得巴東界內尙有陳姓餘匪一股德楞泰已派

副都統富僧德總兵蒲尙佐帶兵二千餘名由

漳洛河松羅河前往趕剿等情查楚中賊匪共

計祇千數人德楞泰如日內將戴四崔胡一股

辦竣其陳姓一股及各處零匪更不難以次遞

掃德楞泰自必統率各路勝兵由東向西轟逼

卽可與川陝邊防官兵夾擊藏功

臣

前因川省

賊數稍多恐其紛竄飭穆克登布在雙河塘麻

柳壩隨時探剿叠據川省文武稟報太平境內
李士品一股已經叅將桂涵剿殺殆盡餘匪無
多其張湯股匪向西奔竄亦經副都統達斯呼
爾岱帶領遊擊陳弼羅思舉等得獲勝仗斬獲
二百餘人并賊目多名張簡一犯亦經擒獲田
朝貴在太平境內亦將該處竄匪叠次擒斬多
名川北餘匪無幾現在有劉清帶勇搜捕至勒

保督率達勒精阿武隆阿趕剿由雲萬竄入大
竹梁墊一帶之賊有數路兵勇可以剿辦得手
刻下川省賊匪共計不過一千數百人官兵分
路跟追不難辦理即使該匪被剿紛竄川北陝
界有穆克登布在紫太一帶亦可顧剿夾擊

臣

又令賽沖阿帶領馬步官兵由白土關太平河
赴洵白邊界探搜如楚境零匪竄入即可就近

剿辦現在川楚竄匪統計不及三千人再經一

兩次痛剿後即可奏報歲功

臣

將二竹零匪趕

緊掃除卽赴川陝連界之處察看何處有賊卽分兵前往協剿以期早報肅清仰慰

聖厪奏入

上命軍機大臣傳諭額勒登保曰此次額勒登保分派鎮將等搜剿散竄零匪疊有斬獲並將擂鼓臺

老林一股屯匪殲盡所辦尙好據稱現在川楚竄
匪統計不及三千人一節昨據德楞泰奏報業將
戴四股匪剿淨崔胡二逆祇剩五六十人向北窮
竄想額勒登保發摺時尙未得有此信此時楚省
祇剩陳姓一股合之川省賊數統計不過二千餘
名昨已降旨令德楞泰剿淨陳姓股匪後卽統兵
赴川或陳姓竄往川境亦卽跟蹤追剿是德楞泰